



BOSNIA AND HERZEGOVINA
FEDERATION OF BOSNIA AND HERZEGOVINA
JUDICIAL POLICE

Broj: Sp-01-01-369/22
Sarajevo, 18.02.2022. godine

Na osnovu člana 11. Zakona o sudskoj policiji u Federaciji Bosne i Hercegovine („Službene novine Federacije BiH“, broj 77/20), člana 17. stav (1) Zakona o javnim nabavkama BiH („Službeni glasnik BiH“ broj 90/14) i čl. 5. i 11. Pravilnika o nabavci roba, vršenju usluga i ustupanju radova Sudske policije u Federaciji Bosne i Hercegovine, broj Su-Sp-13-1/21 od 03.02.2021. godine, direktor Sudske policije u Federaciji Bosne i Hercegovine, d o n o s i

O D L U K U
o pokretanju postupka javne nabavke

I

Pokreće se postupak javne nabavke usluga popravki, održavanja i nadogradnje videonadzornih i protuprovalnih sigurnosnih sistema za potrebe Sudske policije u Federaciji Bosne i Hercegovine, čija je oznaka i naziv u jedinstvenom registru javnih nabavki 50343000-1 – Usluge popravaka i održavanja videoopreme i 50610000-4 – Usluge popravaka i održavanja sigurnosne opreme.

II

Procjenjena vrijednost nabavke iz tačke I ove odluke iznosi 160.000,00 KM (slovima: stotinu šezdeset hiljada i 00/100 konvertibilnih maraka) bez uračunatog PDV-a, a ista sredstva su planirana budžetom Sudske policije u Federaciji Bosne i Hercegovine, obezbijeđenom u budžetu Federacije Bosne i Hercegovine za period 2022.-2025. godine.

III

Nabavka usluga iz tačke I ove odluke će se provesti metodom „otvoreni postupak“, u skladu sa odredbama Zakona o javnim nabavkama Bosne i Hercegovine („Službeni glasnik BiH“, br. 39/14) i Pravilnika o nabavci roba, vršenju usluga i ustupanju radova Sudske policije u Federaciji Bosne i Hercegovine, broj Su-Sp-13-1/21 od 03.02.2021. godine.

U predmetnom postupku nabavke predviđeno je sklapanje okvirnog sporazuma sa jednim davaocem usluga na period od četiri godine ili do utroška sredstava u iznosu procijenjene, odnosno maksimalne vrijednosti nabavke.

IV

Postupak nabavke roba iz tačke I ove odluke provest će Komisija za javne nabavke Sudske policije u Federaciji Bosne i Hercegovine, imenovana posebnim rješenjem.

V

Ova odluka stupa na snagu danom donošenja.

Obrazloženje

Obzirom da ističe važeći okvirni sporazum za pružanje predmetnih usluga Sudskoj policiji u Federaciji BiH, a da Budžet Federacije BiH za 2022. godinu nije usvojen, te imajući u vidu da je zakonski rok za donošenje plana javnih nabavki 60 dana od dana usvajanja budžeta iz kog razloga nije mogao biti usvojen ni Plan javnih nabavki Sudske policije u Federaciji BiH za 2022. godinu, javila se potreba za donošenje posebnu odluku o pokretanju postupka javne nabavke usluga popravki, održavanja i nadogradnje videonadzornih i protuprovalnih sigurnosnih sistema.

Imajući u vidu da je Sudska policija u Federaciji BiH u skladu sa odredbama člana 17. točka g) i i) Zakona o sudskoj policiji („Službeni glasnik BiH“ broj 90/14) nadležna za obavljanje poslova fizičke i tehničke zaštite objekata i imovine pravosudnih institucija i sudske policije, te nosilaca pravosudnih funkcija, njihove imovine i članova uže porodice na području cijele Federacije Bosne i Hercegovine, te shodno tome raspolaže sa videonadzornim i protuprovalnim sigurnosnim sistemima za čije funkcionisanje je neophodno kontinuirano održavanje i nadogradnja, javila se hitna potreba za nabavku istih usluga.

Sredstva za ovu namjenu planirana su budžetom Sudske policije u Federaciji BiH, obezbijedenom u budžetu Federacije Bosne i Hercegovine za period 2022.-2025. godine na razdjelu 26 - Vrhovni sud FBiH, budžetski korisnik 2602 – Sudska policija, ekonomski kod 6137 – Izdaci za tekuće održavanje.

U vezi sa naprijed navedenim direktor Sudske policije u Federaciji BiH za provođenje ovog postupka odlučio je donijeti posebnu odluku o pokretanju postupka javne nabavke, a u skladu sa članom 17. stav (1) Zakona o javnim nabavkama BiH („Službeni glasnik BiH“ broj 90/14).

Dostaviti:

- Sektor za pravne, računovodstvene i opće poslove;
- ☞ Komisiji za javne nabavke;
- a/a.



DIREKTOR
Glavni generalni inspektor sudske policije

Dženad Grošo, mr. iur.